



INATSISARTUT

**Aningaasaqarnermut Akileraartarnermullu
Naalakkersuisoq**

Ulloq: 29. september 2023
J.nr.: 01.31.06/23-01049

**Aningaasaqarnermut Akileraartarnermullu Ataatsimiititaliap tallimangornermi
ulloq 29. september 2023-mi aalajangiineranik Naalakkersuisunut ilisimatitsineq.**

**Sungiusarfik Aaqap nutaamik illutassaanik sanaartornissamut aningaasanik
atugassiineq. Ataatsimiititaliaq suliaa nr. 01.31.06/23-01049.**

"Naalakkersuisut inassutigaat,

- *Konto pingaarnermi 83.30.13 Nuna tamakkerlugu paaqqinniffinni* suliniut nr. 40.066
Aaqap paaqqinniffinnut marlunnut avinneqarnerani aningaasaliissutit 2023-mi 22,5
mio. koruuninik amerlineqassasut, aamma
- *Konto pingaarnermi 83.30.13 Nuna tamakkerlugu paaqqinniffinni* suliniut nr. 40.067
Nutaamik sanaartugassanut iluarsagassanullu aningaasaliissutit 2023-mi 22,5 mio.
koruuninik ilanngarneqassasut."

Aningaasaqarnermut Ataatsimiititaliap oqaaseqaatai apeqqutaalu

Suliaq matumani pineqartup taama kingusitsigisukkut ataatsimiititaliamut suliassangorlugu nassiunneqarsimanera ataatsimiititaliamit sakkortuumik isornartorsiorneqarpoq. Taamaattumik ataatsimiititaliamit sakkortunerpaamik piumasarineqassaaq taamatut pisoqaqqissanngitsoq aammalu maannakkumiit suliat assingusut ataatsimiititaliamut suliassangortinneqarsinnaasut pillugit Naalakkersuisut ataatsimiititaliamut ilisimatitsissuteqartassasut.

Apeqqut 1

Suliaq matumani pineqartoq taama kingusitsigisukkut ataatsimiititaliamut suliassangorlugu nassiunneqarsimaneranut suna peqquaanersoq qulaani allassimasunut uiggiullugu ataatsimiititaliamit paaserusunneqarpoq.

Apeqqut 2

Innuttaasut arlallit Aaqami inissamik pisariaqartitsisut utaqqisunillu allattorsimaffeqartoq Naalakkersuisunit ilisimatitsissutigineqartoq ataatsimiititaliap paasivaa. Tassunga atatillugu utaqqisunut allattorsimaffik qanoq takitiginersoq aammalu innuttaasunut utaqqisunut allattorsimaffimmut allatsissimasunut utaqqineq qanoq sivilutigisarnersoq pillugu ilisimatitsissuteqartoqarnissaa ataatsimiititaliamit kissaatigineqarpoq.

Apeqqu 3

Najugaqartut avatangiisigissaarnissaasa qulakkeerneqarnissaat kiisalu sulisunut peqqinnartumik, isumannaatsumillu sulinermi atugassaqartitsinissaq nutaamik immikkoortorta qarfiliorniarnermi siunertaasoq Naalakkersuisut ilisimatitsissutigaa. Nutaamik immikkoortorta qarfiliornermi inissat nutaat killillit taamaallaat pilersinneqarsinnaasut ataatsimiititaliamit paasineqarpoq. Inissat nutaat taama ikitsiginerinut tunngatillugu Naalakkersuisut pingaarnersuisimanerannut suna toqqammaviunersoq pillugu ilisimatitsisoqarnissaa ataatsimiititaliamit kissaatigineqarpoq.

Apeqqu 4

Tassunga atatillugu Sungiusarfik Aaqami sulisut akornanni atugarissaarnerup pitsaanerulernissaanut nutaamik immikkoortorta qarfiliorneq qanoq tapertaasussatut Naalakkersuisunit nalilerneqarsimanersoq pillugu ilisimatitsisoqarnissaa ataatsimiititaliamit kissaatigineqarpoq.

Aningaasaqarnermut Ataatsimiititaliap aalajangenera

Taamatut oqaaseqaateqarluni apeqquqteqarlunilu Naalakkersuisut inassuteqaataat ataatsimiititaliamit **akuersissutigineqarput.**

Inussiarnersumik inuulluaqqusillunga



Asii Chemnitz Narup

Aningaasaqarnermut Akileraartarnermullu Ataatsimiititaliap siulittaasua